

明治
新刊
日本政記

大角修編次



第四冊

| |
|--------|
| 210.12 |
| R15n |
| (W)0- |

1

政 第 三 号

210.13
R15a
8



1307

新刻治日本政記卷之七

石川縣

大郷

穆 編次

冷泉天皇

諱憲平。村上皇第二子。母皇后藤原氏。右大臣師輔女。在位二年。改

元。曰安和。○按自帝以從舅左大臣實賴為關白。後至圓融。花山。一條。三條。後一條。後朱雀。後冷泉。凡七帝。外戚復專權。且帝以後不復稱天皇。以院稱之。是為王綱

第三變

帝即位於紫宸殿。以帝有疾。不能御太極殿

也。即位用紫宸殿。始于此。時年十八。詔左大臣藤原實賴

第六十三世
紀元千六百
二十八年

紫宸即位之
始

關白機務

按忠平薨後不置攝政關白者聽

牛車出入宮門立皇弟守平親王為皇太弟

初帝在東宮多病先帝憂之欲立為平親王

為嗣然以其婚源氏

納源高明女為妃

憚藤原氏而

不果立臨崩謂實賴曰朕欲立為平然勢不

得立卿意必在守平也至是實賴遂援立之

詔以實賴為太政大臣職仍舊右大臣源高

明為左大臣大納言藤原師尹為右大臣是

歲始頒延喜式

頒延喜式

青山延于曰甚矣外戚之盛也為平村上之

所鐘愛而圓融之兄也兄弟之序宜立而藤

原實賴以其婚源氏忌之遂立圓融以帝之

英明尚為權戚所掣肘況庸昏之主欲不為

之所制豈可得乎

山縣禎曰藤原氏之意欲子為后孫為天子

而躬為外祖以專威福世世以此意相承使

天下之權柄全在其手天子不能少有所違

拂束手而聽從而已然猶守名分未敢顯然

逆其迹焉。君子若誅其心，則豈能免為逆節哉。

安和元年戊辰，詔以村上帝忌月，廢五月五日節。

青山延于曰：文武帝始置七節，以為行禮講武

之日，非若踏歌曲宴。時遊戲之比，不宜以忌

月廢之，而歷世因循不革，此失禮之大者也。

山縣禎曰：古者有忌日，而無忌月。其有忌月者，

出於後世俗論也。唐王方慶曰：若有忌月，即有

忌時，忌歲益無理據。蓋禮文之所不載，固不足

取焉。而朝廷以此廢禮，豈可乎。

貶源高明

二年，貶左大臣源高明為太宰權帥，以右大臣

藤原師尹為左大臣。大納言藤原在衡為右大

臣。初，帝病未愈，中外皆謂當禪位。中務少輔橘

繁延與前相摸介藤原千晴、僧蓮茂等密謀，挾

為平親王，奔關東作亂。左馬助源滿仲亦與焉。

已而滿仲有憾於繁延，遂與前武藏介藤原善

時上變告之。師尹害高明常謀，因事排之，代其

位。至是聞滿仲等奏，因令之，并誣高明。帝未之

源滿仲

信師尹急遣兵圍高明第遂貶之繁延千晴等皆處流為平親王憂懼欲削髮遁世以子幼不果○帝疾劇禪位於皇太弟

圓融天皇諱守平冷泉帝同母弟在位十五年改元五日天祿天延貞元天元

永觀

帝初登儲位攝政實賴與有力焉至是受禪時年十一先帝患狂疾已久由是天曆之政衰而帝又幼冲政務一決於實賴

天祿元年庚午帝既即位於大極殿尊先帝曰太

第六十四世紀元千六百三十年

藤原實賴薨

藤原在衡薨

上天皇立皇姪師貞親王為皇太子○先是左大臣藤原師尹薨至是以右大臣藤原在衡為左大臣大納言藤原伊尹師輔之子為右大臣○攝政太政大臣實賴薨贈正一位封尾張公諡清慎實賴練達朝典人稱其盡心政治以右大臣伊尹攝政○左

大臣藤原在衡薨在衡左大臣魚名之裔起文

暴風雨未嘗不參朝以備帝顧問雖在車中常看書入朝占對莫不明悉以是得寵源高明之

被謫也在衡聞而歎惜家臣賀當代○二年以其位在衡大怒遂之其端嚴如此

右大臣伊尹為太政大臣○是歲召還源高明

三年太政大臣伊尹罷攝政尋薨贈正一位
封參河公諡謙德○詔權中納言藤原兼通伊弟兼家兄參決庶務尋為內大臣初村上帝時兼通
請中宮兼通之妹令手書曰攝關有闕當兄弟相及
不宜躡等兼通常懷其書時弟兼家已顯達至
大納言而兼通淹滯以是缺望屢廢朝參帝亦
稍踈之及兄伊尹將薨兼通切望攝關又恐兼
家妨乃迫帝呈中宮手書帝視母后手跡愴然
乃超任之由是兼家與兼通有隙○天延元年

盜燒源滿仲家

癸酉盜焚源滿仲家延燒三百餘戶又殺人帝召
武人警衛禁內先是滿仲告橘繁延等謀反連
坐者衆其後盜屢襲滿仲至是凶猛尤甚○二
年以內大臣兼通為太政大臣尋關白庶政兼
通威權日熾造第于堀河制擬宮闕甚極壯麗
有謗者中以峻法時人相語曰寧值乳虎勿觸
攝政怒○二年六衛府官人執弓箭詣陽明門
訴諸國司不給糧米設帳以待命在京國司處
斷之○是歲盜入大炊寮及施藥院○貞元元

禁內火

年丙子禁內火帝避遷御職曹司○京師及近江地大震宮城官舍佛寺多壞民壓死者甚多帝避出南庭周帷為御坐遂徙御關白兼通堀河第第既僭擬官闕及帝徙御時人呼曰今內裏○詔課諸國造宮城○以災異蠲除諸國天祿三年以前逋負免天下徭半○二年罷左大臣源兼明高明之兄為親王時關白兼通專恣日甚欲以從兄藤原賴忠實賴之子為左大臣誣奏兼明有疾策為親王任中務卿陽尊之實奪之權兼明意甚不平將卜居於

菟裘賦

龜山又為兼通所沮乃作菟裘賦譏焉○以右大臣藤原賴忠為左大臣大納言源雅信敦實親王之子為右大臣○帝徙御新宮○初關白兼通長女媼子為帝女御既而立為皇后時大納言兼家長女超子為上皇冷泉帝女御至是又欲使次女詮子侍帝兼通怒曰我女既為中宮而彼又欲進其女乎由是嫌隙滋甚兼家第與兼通堀河第相隣有朝臣訪兼家者兼通每罵之人畏之皆以夜往焉及超子生皇子兼通益不悅白

帝曰兼家奉院皇子圖廢立宜先事擯斥之帝不信○兼通有病罷關白以賴忠代之初兼家聞兼通病革以為既亡將奏請代其職急裝而入朝兼通聞其喝道聲以為問己病拂席以待兼家過門不入兼通乃大怒力病奮起扶左右以朝兼家方在帝前望見兼通駭避兼通意色殊惡直前奏曰臣今將終請一行除自賴忠關白器也當代臣兼家謀反當解見任左轉治部卿帝不能違其意並奏可兼通顧公卿曰誰欲

藤原兼通行
除目

大將皆相目不敢言中納言藤原濟時師尹進之子請乃奏奪兼家右大將以代之兼通又欲處兼家於流然無罪可斥不能逞怒而止○敕兼通准三后尋薨救輟朝三日贈正一位封遠江公謚忠義子權大納言朝光為帝所寵尋兼右近衛大將

史論曰戚畹盛則宗室衰權臣重則朝廷輕此必然之勢也兼通忘友于之誼與兼家相軋欲使賴忠為關白因奪源兼明之左相處閑散之

地而授大將於濟時若搜囊中物此與唐盧從
史得昭義節度使何異但從史猶有中使傳旨
而兼道則直授之無所顧主上拱默聽其所為
群從子弟皆以榮達貴顯為賢而材能操履無
所稱道奔競之風傷化壞俗可勝浩歎哉

天元元年戊寅海賊殺備前介橘時望○以關白
賴忠為太政大臣職仍舊右大臣源雅信為左
大臣大納言藤原兼家為右大臣初兼家與兄
兼通不協居常怏怏不樂作歌寓意哀訴於帝

始幸石清水

禁內火

賴忠憫其沈滯屢為請之因有是命○二年帝
謁石清水宮幸始于此○三年禁內又火殿舍
盡燒○四年帝徙御新宮詔免與修宮役諸國
今年租半○五年京師多盜夜露刃登弘徽殿
即捕獲之○先是海賊大起奪諸國調庸至是
益熾劫掠行旅敕誠檢非違使懈怠令修其職
○盜火式乾門竊雜器尋禁內又火帝遷御堀
河後院○永觀元年癸亥敕檢非違使捕京畿私
帶弓箭兵仗者案之○左近衛權中將藤原公

任途見僧被縛問之吏曰此殺其主者公任曰何悖逆乃爾僧恨其不救已及遇赦欲殺之乘夜伺公任掖而去投之山中積薪上方放火會有人發箭僧驚去公任乃獲還家○二年帝禪位於皇太子

華山天皇 諱師貞冷泉帝長子母贈皇太后藤原氏攝政伊尹女在位三年改

元一曰寬和

帝受禪於堀河院時年十七即日遷御新宮立先帝長子懷仁親王為皇太子初太子生

第六十五世紀元千六百四十五年

母詮子與賴忠女遵子並為先帝女御甚有寵生太子於兼家第時藤原皇后崩兼家謂吾女必為中宮而先帝以賴忠故立遵子為后兼家失望自是稱病不朝先帝欲臨視太子亦憚賴忠不果適遇相撲節會欲令太子觀因強起兼家入朝先帝親諭之以傳禪意兼家乃驩至是詔帝遂定儲貳關白太政大臣賴忠如故帝既即位是時朝政廢弛紀綱紊亂權中納言藤原義懷伊尹左中辨藤原

詔求直言

惟成雅材之子參決機務義懷捷敏通朝典雖未
 升台職然以外舅故親任惟成方正有才略
 與義懷協心翼贊帝勵精圖治由是紀綱頗
 張詔求直言曰水從繩則正后從諫則聖夫
 人主以納敢諫為先人臣以進讜言為任國
 之將興上下聚脣國之將廢道路以目雖澆
 季之俗疲極之民忘身戮力庶可以濟人和
 而天和民足而君足叔向有言大臣重祿不
 諫小臣畏罪不言下情不上通此患之大者

也靜而思之誠哉斯言宜令公卿大夫內外
 百官五位以上及秀才明經名為儒士者各
 上封事匡朕不逮

永井定宗曰人君欲以一人之目見天下之
 廣以一人之耳聽萬物之衆雖聖智之君不
 能也況於庸主乎宜哉帝即位之初使群臣
 獻封事以陳天下之情可謂知為君之道矣
 或曰帝廣問天下欲隨民情而為治似知君
 道然未幾淫女色為一婦人忘神器之重是

知治道而不行治道者也。夫知而不行猶不知也。曰然如此則帝非無過也。然按舊史帝歲僅十七以天下之秀色傾之豈得不為之惑乎。群卿諫之於其始而戒履霜之漸則不使帝至如斯之甚矣。惜哉朝廷之無諫臣也。山縣禎曰自古人君即位之初勵精求治者多矣及在位漸久而情勝欲肆漸生怠惰是以克其終者鮮矣。詩曰靡不有初鮮克有終不其然乎。

帝遜位入華山

寬和元年配先是左兵衛督藤原齊明傷彈正大弼大江匡衡而亡官符諸國索捕至是獲齊明于近江誅之。○二年帝遜位入華山寺落髮為僧初帝親任義懷惟成等輔政兼家疾之欲令帝早讓位而已秉威柄其子左少辨道兼築黠探知其意多方為計時寵姬忒子病卒帝哀毀迷亂道兼乘之與僧嚴久開說佛典以動帝道心嬪御少進見義懷惟成深憂之至是經歲帝猶觸事感愴不已道兼勸帝曰陛下遜位臣

亦奉從。帝意遂決。道兼得間。使人奉神寶於東宮。夜潛奉帝出宮。帝猶豫。道兼急促之。乃入寺。及其落飾。道兼給曰。暫歸辭訣父母。乃拂衣而去。不復來。帝始知為其所賣。初帝出宮。宮中妃嬪不之知。天文博士安部晴明察乾象。知有變。蒼黃入奏。不及厥明。義懷聞帝在華山。與惟成追至。相視號泣。惟成謂義懷曰。君以外戚被重寄。今日何顏復立朝。義懷然之。遂俱為僧。朝政復衰矣。

藤原義懷及惟成並為僧

史論曰。兼家所冀望者。女為后妃。身為外祖。圖富貴。以怙權寵而已。生民榮悴。國家休戚。若胡越肥瘠之不相干。故子孫皆效其所為。而道隆道兼最有甚焉。道兼誘君於不義。陷父於不忠。繩以誅心之法。則大於逐君之罪。天壤之間。其能容乎。

一條天皇 諱敏仁。圓融帝長子。母三條院藤原氏右大臣兼家女。在位二十六年。改元六。曰永延。永祚。正曆。長德。長保。寬弘。

先帝既遜位。道兼之謀成焉。兼家乃入朝行

第六十六世紀元千六百四十七年

讓位儀帝立年甫七歲兼家攝政罷太政大臣賴忠關白上先帝尊號太上天皇弗受立先帝弟居貞親王為皇太子長於帝四歲兼家辭右大臣准三后位在三公上兼家素貪榮於是始得志矣

定新制

永延元年丁亥僧奮然還自宋獻印本一切經奮然永觀二年如宋太宗延見問我邦世紀奮然對以皇統一系宰輔世官事太宗嘆美曰蓋古之道也○定新制十三條尋申定五條○以早賦者老免逋負○一品中務卿兼明親王薨親王以

兼明親王薨

藤原兼家落京極第

源賴光

雄才博學嘗為左大臣為攝政兼通所忌不得展其志居常快快至是薨世稱曰中書王○是歲申禁私帶兵仗○二年攝政兼家營二條京極第落之大宴朝臣東宮大進源賴光滿仲長子贈馬三十匹以頒賓客召河陽妓給絹四十匹宴集之盛前此所未有

賴襄曰攝政兼家之落其第也大宴朝臣源賴光贈馬三十匹以頒賓客世傳以為宴集盛事夫賴光時為東宮大進其職小也其祿薄也而

有馬三十匹何哉。使當時公卿有虞天下國家者。可不加之意乎。蓋公卿大夫以恬熙為務。媮衣甘食。漁色鬪歌。而捕盜討賊之事。委之武臣。世官者曰。是賤事耳。而不省地方兵馬之富。漸歸其手。他日平治建久之勢。隱然已胚胎於此。

藤原賴忠薨

永祚元年。己丑。以大納言藤原道隆兼家長子為內大臣。○太政大臣賴忠薨。贈正一位。封駿河公。諡廉義。賴忠性節儉。入朝常著布袴。云。○兼家為太政大臣攝政。如故。尋罷攝政。為關白。○正曆元年。庚寅。罷兼家。

法興院關白

關白。以內大臣道隆為關白。尋攝政。○前關白太政大臣兼家薨。先是剃髮。以故不賜諡。稱法興院關白。相家稱院。始于此。兼家在職僭橫。時有冷泉圓融。華山三上皇。兼家不經諮稟。政一決於已。初兼家有疾。擇可襲已職者。謂左中辨藤原有國。右中辨平惟仲曰。吾二子孰可有國。曰。道兼有。功於公舍之不可。惟仲曰。舍嫡立庶。奈倫叙何。兼家從之。道隆怨有國不薦已。及其卽職。首奪有國父子官。○初道兼誑先帝歸佛。使父兼

家秉權自謂我功足以襲職至是道隆既攝政

道兼歛望憤怨居喪不謹會客游戲源賴信光賴

弟之仕道兼謂賴光曰吾力能刺道隆使我主代

之賴光掩其口曰母妄言事敗肝腦塗地汝主

亦豈可晏然止哉賴信乃止○二年法皇崩融國

帝壽三十三火葬園融寺北原藏御骨村上山陵側○攝政道隆

罷內大臣右大臣藤原為光兼家為太政大臣

大納言源重信敦實親王之子為右大臣權大納言道

兼為內大臣○皇太后以病落髮上號曰東三

條院稱女院始于此○三年太政大臣為光薨贈正一

位封相摸公謚恆德稱鷹司相國○從五位下

源忠良討阿波海賊俘獲頗多○四年道隆辭

攝政為關白○詔遣使太宰府贈故右大臣菅

原道真左大臣正一位尋贈太政大臣○以右

大臣重信為左大臣左大臣雅信辭職尋薨○

五年帝始視除目○時京師多盜火後涼殿及

弘徽殿飛香舍先是藤原保輔右馬權頭凶猾

為盜設阱於家屢誘殺商賈掠物命諸衛索捕

鷹司相國

贈菅原道真
太政大臣

藤原保昌服袴垂

下獄。父致忠坐免官。藤原保昌嘗夜微行。有大盜袴垂者。欲劫褌之衣。提刀追尾。保昌吹笛不顧。袴垂疑其勇。不敢發。保昌乍停笛。回顧袴垂。不覺首服。保昌還家。取衣與之。曰：「乏則復來。勿作劫。」是歲朝廷令源滿政滿仲平維時之孫源賴親賴光弟源賴信等索盜。源賴光偶過賴信家。見繫盜。廐問之。曰：「鬼同丸者。」賴光曰：「縛鬼何緩。」賴信乃以鐵索換繩。鬼同丸忿怒。夜斷鐵索。偵賴光。賴光適醉卧。賴信家忽覺之。呼從士警衛。

源賴光斬鬼同丸

且謂曰：「明日當獵。鞍馬鬼同丸聞之。去至市原。刳野牛。匿于其腹。以待賴光至。見群牛游。命從士追之。渡邊綱射中死牛。牛忽突起。鬼同丸跳。出揮刀逼賴光。賴光迎擊斬之。士民為盜。其兇逆率此類也。○以內大臣道兼為右大臣。權大納言藤原伊周道隆次子為內大臣。伊周職超越先輩。以父道隆殊寵也。○長德元年。關白道隆疾累。表辭職。不許。請令子伊周攝省中事。許之。道隆尋薨。世稱二條伊周在喪。猶橫預朝政。○

七日關白

以右大臣道兼關白庶政尋薨道兼在職僅七日世呼曰七日關白○敕權大納言藤原道長兼家內覽太政官文書尋以道長爲右大臣初道隆薨伊周自謂代父職而道兼爲關白伊周失望使人咒詛道兼道兼適病薨伊周喜以爲果得所願矣帝以伊周中宮兄固親寵之故其意亦在焉而輿論歸道長道長亦謂令伊周得政必亂天下東三條太后素惡伊周爲人勸帝用道長帝不聽太后垂泣固請帝不得已從之

伊周益憤恚又詛道長而無驗○左大臣源重信薨○二年貶內大臣藤原伊周爲太宰權帥伊周弟權中納言隆家爲出雲權守先是故太政大臣爲光二女娶居鷹司第伊周私其姊華山法皇聞其妹美屢往挑焉伊周疑其與姊通告之弟隆家隆家乃率惡少數人夜要法皇還欲發矢怖之誤中御衣中外喧傳而帝爲法皇慮不敢推驗已而東三條太后疾或言伊周修太元法咒詛例非官不得修此法帝乃怒因有

是命先是中宮有身出居伊周第兄弟皆赴配所中宮憂憤截髮為尼伊周途病帝聞之乃救安置伊周于播磨隆家于但馬已而伊周潛還京省母帝遣檢非違使押送太宰府○伊周既至府大貳藤原有國聞之曰權帥先人嘗以怨削我官我微賤猶以為辱況權帥相門之種遠竄何可堪乃使子廣業迎之供設甚厚伊周大愧自是殊相親善○以右大臣道長為左大臣叙正二位如師輔故事大納言藤原顯光兼通之子

為右大臣○三年先是中宮生皇女帝命入宮中宮不敢應詔至是大赦召還伊周隆家帝促中宮入宮寵幸如初○以大納言藤原公季師之子為內大臣○太宰府奏高麗侵邊獲其賊三十餘人○長保元年己亥禁內火帝徙御一條大官院○頒新制十一條○先是散位平致賴與前下野守平維衡構兵而戰藤原致忠殺前相摸守橘輔政子至是流致賴於隱岐徙維衡於淡路流致忠於佐渡○二年改中宮定子曰皇

禁內火

頒新制十一條

后立女御藤原彰子道長女為中官初道長納彰子於官侍女數十人皆妙選一時才色裝奩玩好窮極華靡光彩奪目帝悅曰殆令朕感政已而皇后生皇子敦康帝未有嗣大喜欲見之憚道長不果至是帝召后及皇子入宮皇子敏慧美貌帝深愛之既而后又有身生皇女數日而崩○是時人才輩出源俊賢高明子藤原行成伊尹子藤原齊信為光子藤原公任賴忠子以才藝稱竝為納言明習朝典世稱四納言而先后侍女有

四納言

禁內火

清少納言清原元輔之女中官侍女有紫式部越前守藤原為時之女和泉式部大江雅致之女小式部和泉式部之女伊勢大輔伊勢祭主大中輔親之女竝有才名善和歌文詞帝每曰朕之不德唯得人一事庶不愧延喜天曆之世然後世論者以為一時文弱之弊甚於延天兩代非帝王所宜尚矣○是歲帝遷御新宮○三年大疫賑給京師○禁內火帝徙御一條院○復藤原伊周官進從二位○四年敕造官制度務從儉樸○始置內侍所神樂○五年帝遷

天滿天神

禁內火

宸筆宣命

御新宮○寬弘元年甲辰帝幸北野社初天曆中
 民間追慕菅原道真建祠北野祀之稱曰天滿
 天神此後朝廷奉幣不絕崇祀遂遍海內矣○
 二年敕藤原伊周班大臣下納言上尋參預朝
 政○禁內火神鏡大刀契焚帝徙御左大臣道
 長東三條第遣使於伊勢大廟奉宸筆宣命告
 神鏡罹災宸筆宣命始于此○是歲盜殺大藏大輔平
 孝信○三年造宮帝遷御一條院○以星變屢
 見修仁王會以禳焉○五年以藤原伊周准大

儀同三司

臣賜封一千戶尋叙正二位稱儀同三司即三司

○法皇崩華山壽四十一葬山城紙屋川法

皇居元慶寺持戒精嚴歷游嘗苦至病卧海濱

殆不起晚年入京居外祖母家稍近婦女志操

遂變○藤原中官生皇子敦成於道長第帝臨

幸飲宴盡歡初敦康親王生伊周謂必為東宮

時人亦爭媚伊周及敦成生人無復訪者伊周

大歎望會有流言伊周與高階明順咒詛皇子

道長召明順責之明順憂懼而死鞫訊僧能圓

具平親王薨

處罪伊周坐事停朝參既而得釋○六年二品

中務卿具平親王薨村上王子幼英敏長有文名世與兼明親王並稱曰

後中書王

史論曰村上皇子具平親王以文學才藝著於

當時聲譽亞于兼明親王大江山房舉父子以

文事繼業者以親王為稱則帝好文之美亦可

併觀焉志操恬退不競權勢終能保其令名賢

矣哉

一條院火延喜天曆御記及累朝寶器盡焚帝

徙御左大臣道長枇杷第○七年准大臣藤原

伊周薨臨終自悔其志不遂誠子女曰女慎勿

誤身於人男勿阿附於權貴曾不如為僧之愈

也○一條院成還御○八年帝不豫禪位於皇

太子尋崩帝性慈仁嘗效延喜帝冬夜脫御衣

左右問之帝曰天方沍寒民必有凍者朕豈忍

獨重襲哉帝臨御日久常惡權臣道長專政而

終不能制焉初帝觀兼明親王薨喪賦中有扶

桑豈無影乎浮雲掩而乍昏叢蘭豈不芳乎秋

冬夜脫御衣

風吹而先破句。帝嘆息自書其句藏巾箱。及崩道長入卧内。親以為指斥已怒而手裂之云。崩年三十三。火葬北山長阪野藏。御骨圓融帝陵側。皇太子立。

史論曰。所貴乎得賢才者。以其憲範王猷。能補衰闕。亮采熙載。躋斯民於仁壽之域也。方帝之馭寓號為多士。而謇諤鯁直之風。槩無所聞。王鳳之威方盛。而舉朝循默無敢一效王章之忠憤者。果可謂之得人才乎。抑其所謂人才者。皆浮華麗藻之徒。而緩急不足恃歟。帝惻怛慈仁。

雅尚淳朴。雖總攬乾綱。不能及醍醐村上之治。而維持風教。猶有愈於圓融華山之朝。然則臣鄰之力。未可全無。其得才能之士。亦可從而知也。

三條天皇諱居貞。冷泉帝第二子。母贈皇太后藤原氏。太政大臣兼家女。在位

五年。改元一曰長和。

帝受禪於一條院。時年三十六。立先帝第二子敦成親王為皇太子。初先帝欲立長于敦康。而皇后既崩。伊周亦薨。以其無戚族之援。

第六十七世紀元千六百七十二年

日本正言 卷之七
又憚道長遲疑不決密謀於中納言藤原行成行成慮後患亦勸立敦成遂從之中官撫養敦康不異其所生勸父道長立之道長意在立外孫不聽

史論曰皇朝竝立一官中世之制也位號之尊方在皇后而寵幸之渥實歸中官故上東門院立爲中官而定于更號皇后敦康親王一條之長子而定于所生也中官勸其父使立敦康而道長貪外祖之權不用其言及小

一條去儲位中官又欲成先帝之志而道長不可竟以後朱雀爲皇太弟皆以中官之所生立爲青闈則其欲益固戚畹之親而經營私門蓋可知矣中宮不惟絲髮無妬心撫視皇后所生子女不異己之所出不賢而能如是乎

太上天皇崩

冷泉帝

上皇容止閑都似村上帝

然自爲儲貳多病時或發狂后妃嬪御皆疑懼不自安一日欲視神璽獨入卧内方啓函

藏人頭藤原兼家排闥入奪之讓位後疾不
瘳至是大漸道長入侍上皇忽發聲而歌道
長驚去帝屢欲侍疾道長奏狀乃止崩年六

十二火葬櫻木寺前野藏御骨山側稱冷泉院

山縣禎曰宇多帝以降天子崩不上諡冷泉
帝以後不復稱天皇以院稱之而名號輕及
藤原兼家號法興院人臣院號亦始于此至
於後世不復知院號之為尊士庶混淆稱之
也夫天皇名號之尊雖攝關公卿孰敢犯之

而況士庶乎故名號正而後上下之分嚴矣
是以君子不敢以名與器假人禮曰名者人
治之大者也可不慎乎今名號輕而下易僭
踰皇室衰替之漸是亦足觀其一端矣

長和元年壬子帝既卽位於大極殿左大臣道長
知太政官文書如故○道長專擅威柄朝臣諂
附天子拱默不得有所親與獨權大納言藤原

藤原實資

實資實賴之孫侃然正色無所諱避帝竊倚賴焉○

先是帝在東宮納道長女妍子為妃道長積備

裝奩器玩幾十年其奢靡過上東門院至是立
為中宮帝又以娥子生皇子欲冊為皇后然例
納言女不得為后而又憚道長不決道長揣知
其意勸帝追贈娥子父故大納言藤原濟時太
政大臣遂立為后然實非道長意也及冊拜朝
臣諂道長者恐補其宮職悉往中宮以避帝遣
使召之無應者甚至罵辱救使投以瓦礫右大
將藤原實資適卧病聞之曰何附權勢之醜而
忽朝命之甚也即力病與中納言藤原隆家等

大江匡衡卒

禁內火

入朝預嘉會帝深德之○是歲式部大輔大江
匡衡卒匡衡以文學著然轍軻不達志其妻赤
深衛門嘗著榮花物語叙述藤原氏盛
事○三年禁內火尋內藏掃部二寮又火累世
寶器盡焚帝徙御左大臣道長枇杷第○四年
官成還御○先是帝罹眼疾至是未愈左大臣
道長數諷帝遜位帝知其望太子早登祚心甚
不懌而病不能視朝乃詔道長行京官除目於
直廬儀准攝政因謂左右曰除目既委道長其
所為果出於不公耶譴在彼朕不與焉○禁內

禁內火

火帝復徙枇杷第○道長諷帝不已使醫官治其目疾醫誤進金液丹遂喪明○五年帝禪位於皇太子

第六十八世紀元千六百七十七年

後一條天皇

諱敦成一條帝第二子母上東門院藤原氏左大臣道長女在

位二十一年改元四日寬仁治安萬壽長元

帝受禪於上東門第生甫九歲立先帝皇子敦明親王為皇太子初先帝嫉道長逼勸禪讓而力不能拒決意脫屣欲以敦康親王為帝儲貳道長沮之先帝益憤怒至是道長奏

請立敦良親王先帝不聽遂立敦明年二十三既而帝即位於大極殿道長攝政准三后如良房故事尋罷其左大臣是歲課諸國造官

寬仁元年丁巳以右大臣藤原顯光為左大臣內大臣藤原公季為右大臣權大納言藤原賴通道長為內大臣道長罷攝政令賴通襲職位班左右大臣上○太上天皇崩三條壽四十二火葬

皇太子辭位

石蔭藏御骨○皇太子辭位時道長專肆滋甚

自_レ上皇崩朝臣皆以太子之非道長戚腕畏憚不敢起居東宮東宮僚屬亦顧慮不安於其職門庭蕭然日就荒穢太子執立怏怏不樂因欲託疾避位乃召道長子能信告其意道長聞之大喜謀之大納言源俊賢俊賢勸速行事乃急奏帝及上東門院門院曰嚮先帝有旨今宜立敦康道長不可率朝臣而往導從絡繹見者驚恠道長遂使太子遜位即日立敦良親王爲皇太弟太子宮室從而毀撤嬪侍靡不獻欵時太

小一條院

子母堀河太后聞其有變遣侍女候之至則被廢輒大驚惋悲號曰皇太子何罪遽至此道長在坐病之又欲慰安太子兼掩物議乃奏賜號曰小一條院置年官受領吏准上皇封戶仍舊又納其第五女爲妃太子差安之於是天子皇太弟皆道長外孫一如兼家時○以前攝政道長爲太政大臣尋罷○二年帝遷御新宮○立道長第三女威子爲中宮於是道長一家三后前此所未有也后兄教通亦請納女帝悅然心

女真之亂

憚后不許后性妬忌年長於帝九歲常防寵移
 諸姬不得進○三年女真賊船五十餘艘寇對
 馬轉犯壹岐殺守藤原理忠進至筑前文室忠
 光等防戰射殺數十人太宰權帥隆家伊周遣
 前少監大藏種材其子光弘及藤原明範平為
 賢等逆擊大戰女真俗素善射箭能洞楯故臨
 戰每人必持楯跋涉山野疾如飛隼但怕鳴鏑
 是時我嶋民被虜掠在賊船者遙呼我軍曰馳
 馬射之我軍乃雨射鳴鏑賊驚潰嶋民得逃還

時大風兩日賊困於進退隆家獲開發兵船數
 十艘追擊賊轉寇松浦前介源知擊却之賊悉
 潰隆家兵船將士至博多不敢進隆家遣少貳
 源道濟督促之將士以賊船多請益戰艦獨種
 材奮曰我年踰七十死非所惜請單身進擊道
 濟壯之乃發賊已逃潰不及而還先是驛奏請
 救符救符未至又馳捷報朝廷大駭即據寬平
 中伐新羅故事救北陸山陽等諸道嚴備且救
 太宰府曰勿以兵故令農失時是役沿海民殺

一夜鬚髮白

略千餘人。牛馬數百。對馬銀城燒毀。邊寇之慘。自古未有也。隆家奏請賞戰功。朝議以其私發。為不宜賞。權大納言實資引寬平中對馬守防。新羅得賞。故事曰。攘寇不賞。何以表忠。遂從之。初賊之來。人呼曰刀伊。未詳其名號。及得高麗牒狀。始知其為女真云。○左大臣顯光薨。初顯光女延子為廢太子敦明妃。及道長納其女。延子矢志歸家。憂憤。薨。顯光哭之一夜。鬚髮盡白。至是薨。○以攝政賴通為關白。○四年南蠻賊

掠薩摩。人救太宰府討之。○治安元年辛酉。以右

大臣藤原公季為太政大臣。關白賴通為左大

臣。職如故。權大納言藤原實資為右大臣。權大

納言藤原教通賴通之弟為內大臣。○以右大臣實

資兼皇太弟。傅初實資為先帝所倚。賴嘗為廢

太子。傅時以衰老不堪辭謝。至是兼職。○伊豫

守源賴光卒。賴光為人英武驍勇。善射。以將畧。稱有三子。長賴國。子孫世居多田。

稱攝津源氏。賴光家上四人。綱公時貞。道李武皆以武勇著。俗呼為四天王。○二年。

先是道長以病薨。髮創法成寺於京極。賴通命

藤原道長創法成寺

藤原道長薨

諸國司曰寧懈公事勿怠此役諸國競輸鉅材至是成帝臨慶之大赦天下○萬壽元年甲子帝幸關白賴通賀陽院第觀競馬○四年先是京師多盜數放火劫掠道長憂之立賞格購索捕之而猶不能禁至是益熾入禁中褫女官衣服○前攝政道長薨道長病篤帝臨問之道長奏曰被榮寵如臣在古亦罕今復何言帝固問所欲言道長曰法成寺成諸司未有賞為憾耳帝即詔加董役者等位又賜寺封五百戶尋薨帝

為服錫紵心喪三月嘉會多從停廢一如諒闇道長立朝四十餘年權傾內外富埒王家晚年信佛甚厚天子后妃相倣倣至日夜不絕誦經其少也豪爽負氣嘗有相者視曰猛虎度山之表貴顯無比果如其言世稱法成寺攝政又稱御堂關白初道長與二兄相繼秉政時人謂之三道以此三平云○長元元年戊辰前上總介

平忠常叛

平忠常作亂下總陷上總安房燒殺守惟忠遣檢非違使平直方等發東海東山二道兵討之忠常高望曾孫世居東國族衆疆盛恃勢暴橫

源賴信討忠常

至是遂叛。○二年大政大臣八公季薨，贈正一位，諡仁義。是為開院。○三年安房守藤原光業畏忠常，棄印鑑奔還。以平正輔代之。○平直方等在軍無功，乃救甲斐守源賴信帥坂東諸國兵討忠常，而召還直方。賴信聞命即往，人勸其待兵集而進，賴信不聽。與子賴義率兵二千直赴下總，忠常臨湖列柵，悉收舟筏，使不可濟。賴信陣湖濱，遣使詐請和，忠常不肯。賴信曰：「賊恃險自驕，吾直渡攻其無備，可一鼓拔也。」真髮高文馳入湖中行，取葦樹之標，其淺處賴信乃摩衆騎濟。忠常驚懼不知所出，乃雞髮迎降。○四年賴信攜忠常入京師，忠常途病死，乃斬首以獻。誠臣自真鳥後至是凡八人。帝嘉賴信功，叙從四位上，又欲以為上野常陸介。賴信以衰老不堪遠任，請改守美濃，許之。○七年京師大風，大學寮壞，時學政甚衰，是歲會於釋奠者僅數人。○九年帝崩，壽二十九。火葬藏御骨山城菩提樹院。帝常戒勞民及葬民感其休養，相走執役焉。皇太弟立。

忠常伏誅

入湖中行，取葦樹之標，其淺處賴信乃摩衆騎濟。忠常驚懼不知所出，乃雞髮迎降。○四年賴信攜忠常入京師，忠常途病死，乃斬首以獻。誠臣自真鳥後至是凡八人。帝嘉賴信功，叙從四位上，又欲以為上野常陸介。賴信以衰老不堪遠任，請改守美濃，許之。○七年京師大風，大學寮壞，時學政甚衰，是歲會於釋奠者僅數人。○九年帝崩，壽二十九。火葬藏御骨山城菩提樹院。帝常戒勞民及葬民感其休養，相走執役焉。皇太弟立。

史論曰。帝在位二十年。政理未能熙洽。而刑憲或多廢墮。盜賊劫掠於輦轂。桀驚跳踉于邊鄙。不得謂之清平之世。及其崩也。民感弛勞之恩。競供襄事之役。不仁而能如是乎。蓋帝亦有君德之美。而輔弼將順。有所不逮歟。

後朱雀天皇諱敦良。後一條帝同母弟。在位九年。改元三。曰長曆。長久。寬德。

帝即位。左大臣賴通。關白諸政如故。

長曆元年。攝津始貢銅。○二年。先是永祚中。

以僧餘慶為延曆寺座主。衆徒不受。敕使破裂。

宣命。敕賜前座主尋禪封百戶。特有衆徒罪。餘

慶尋辭職。是歲。以僧明尊為座主。衆徒又不受。

上疏抗之。關白賴通遣使示諭。不可。即群聚訴

迫賴通第。打破其門。廷議遣檢非違使驅退之。

執其兇魁。下獄。殘徒又放火高陽門。敕大索天

下。捕之初。延曆中。自僧最澄。創延曆寺。圓仁。圓

珍相繼為座主。皆徒弟繁多。後各分黨。遂構隙。

非圓仁。徒不得卓錫。餘慶。明尊。皆圓珍徒。故橫

暴拒命。夫佛法入本國。已為蠹害。而其徒爭鬪。

第六十九世紀元千六百九十七年

禁內火

從是起亦蠹中一害矣○禁內火帝避遷京極

院○長久元年庚申京師盜賊帶弓箭行火又僧

徒殺掠行人設賞購捕○盜入宮中竊御衣○

京極院火帝徙御內大臣教通二條第是時神

鏡罹災形質銷亡人以為王室陵夷之兆○二

年帝遷御新宮○三年圖書寮火尋禁內復火

帝避太政官廳○四年徙御一條院尋火徙御

東三條院○寬德元年甲申筑前人清原守武坐

私入宋流於佐渡○二年帝不豫禪位於皇太

子初帝見恠驚悸得疾至是大漸帝性叡明留

心政務而外戚賴通專權其明有所蔽威不能

振世以為憾焉崩年三十七火葬藏御骨

後冷泉天皇

諱繼仁後朱雀帝長子母贈皇太后藤原氏太政大臣道長第

四女在位二十三年改元四日永承天喜康平治曆

帝受禪於東三條院立尊仁親王為皇太子

初先帝臨崩顧命關白賴通以親王為帝儲

嗣賴通以其非藤氏出不欲立之對曰立東

宮尚未晚也時藤氏一族充滿朝廷莫不靡

第七十世紀元千七百六年

神鏡銷亡禁內火

盡切劔

然附賴通獨其弟能信不黨及賴通退能信
 進近先帝御床故以詭言奏曰陛下欲以第
 二宮付何僧先帝曰朕將置之東宮而關白
 不欲故止何謂付之僧也能信曰聖慮苟然
 早決之不宜過今日先帝悟其意即日立為
 皇太弟以能信為大夫例東宮正位必傳壺
 切劔賴通不肯上曰青闈自非藤氏出則不
 可得皇太弟聞之曰吾何用此一劍為帝即
 位於大極殿還御京極院左大臣賴通關白

庶政如故按後一條後朱雀後冷泉凡三帝皆道長外孫相繼踐祚自古未有也

永承元年戊戌右大臣藤原實資薨實資剛直明達不惑邪說

歷仕九朝薨年九十○太政官朝所火○帝遷御新宮○

二年以內大臣藤原教通為右大臣權大納言

藤原賴宗為內大臣皆賴通之弟○是歲前權中納

言源顯基薨初顯基仕後一條帝受恩遇甚隆

然素薄榮利及帝崩益有感於時事遂辭職而

隱於大原山至是患疽喜曰吾聞病至死神不

源顯基薨

禁內火

變者唯癰疽絕醫藥而終焉。○三年禁內火帝

避遷京極院。○四年皇后皇太弟所居閑院火

○五年大和守源賴親及子賴房有罪處流初

賴親訴興福寺僧徒不法僧徒怒攻其館賴親

父子防戰多殺傷僧徒來訴因流竄。○參議源

經成剛直嫉惡及兼檢非違使別當捕盜濱人

丸直殺之適有赦命經成命吏斷獄中海賊渠

魁三人手足世呼曰荒別當時朝廷刑憲大弛

故檢非違使或以意殺戮而朝廷不問焉。○六

荒別當

小一條院薨

年冷泉院成徙御。○是歲小一條院薨。初小一

條院困於權臣勢而遜太子位時人憫之及道

長進女棄故妻而宴新婚以故後世或疑其無

志操焉。○天喜元年庚巳帝徙御關白賴通賀陽

院第明年賀陽院火帝避京極院復火徙御賴

通四條第。○三年左近衛少將藤原忠俊從士

入禁中挺刃逼御座藏人源齊賴等捕獲之。○

毀冷泉院移其材造一條院。○四年一條院成

徙御。○初陸奧豪族安部賴時自其父祖世并

盜逼御座

源賴義

源義家

諸部落為六郡會長。自私諸利，不輸貢賦。至賴時，益強獷。時出兵侵掠，國守藤原登任與秋田城介平重成合兵伐之，不利。白河關以北抵海，盡附賴時焉。朝議以源賴義威名素著於東國，拜陸奥守。賴義與義家八幡太郎及次子義綱加茂次郎率兵赴伐，會有大赦，賴時大喜，解兵而降。賴時初名賴良，更今名。臣事賴義，賴義遂兼鎮守府將軍。任滿將還，賴時厚犒其軍，既而賴義宿于阿久利河，有人夜斫，屬將藤原光貞營殺傷人。

安部賴時叛

馬賴義召光貞曰：卿有宿怨，不對曰：賴時子貞任嘗聘我妹，我鄙而不許，意彼謀其報爾。於是賴義欲執貞，任賴時曰：貞任雖愚，吾子也，何忍坐視其死？乃據衣川關遂叛。賴義大怒，募集兵士人馬蔽野。賴時婿藤原經清巨理權大夫平永衡伊具來屬官軍，賴義進赴衣川，永衡戴銀冑，或謂賴義曰：永衡陽示降服，陰挾奸謀，故欲虜不射已，其戴銀冑所以自標也。賴義捕永衡斬之，經清不自安，遁歸於賴時。賴時益振，是歲朝廷

日本書紀卷之二十一
以賴義任滿命藤原良經代之良經以賊未平
辭不赴任因命賴義再任

山縣禎曰當此時廷臣怯懦大率如此皇室何
以復能振哉衰亂既極天下爲武人之有勢不
得不然矣唯賴義自其父祖以武名顯至是討
與賊而有功子孫亦能繼武功而不墜威名東
國之士多委質爲之臣僕者其後世強盛成天
下之霸業亦有故也夫

賴時伏誅

五年賴時族安部富忠勇而擁衆賴義令人諭
富忠應官軍賴時聞之亦自往說之賴義令富
忠伏兵要擊大戰二日射中賴時賴時還柵而
死誅叛臣至是凡九人貞任軍猶振貞任驍傑善用兵官
軍不利時歲荐饑糧食不給○賴義自將兵千
八百討貞任貞任據河崎柵拒戰會大風雪官
軍凍飢貞任兵四千急進衝突官軍大敗所餘
并義家及藤原景通藤原則明等僅六騎賊又
張左右翼急圍之矢下如雨賴義傷馬景通得
馬授之義家亦失馬則明奪賊馬授之賊勢益

日本此
通義家縱橫奮擊。以巨鏃箭亂射。賊披靡相警。曰。八幡太郎也。遂解圍而去。○賴義既免。佐伯經範不之知。以爲猶在圍中。曰。吾亦當從將軍於地下。乃單騎走進。其從士相謂曰。我公既如此。吾曹亦豈獨活乎。相與擣陣。殺十餘人而死。景通子景季年二十餘。馳入賊中。斬一將。出入數回。馬蹶見殺。藤原茂賴不知。賴義所在。謂已沒。賊泣曰。吾當求其屍。亦馳赴之。途遇賴義。乃與俱還。○先是。賴義奏請徵兵食。至是不達。乃

赤白符

奏曰。諸國糧運有名無實。且出羽守坐視不戮。力於是詔罷守源兼長。以源齊賴代之。齊賴至。亦不敢來援。貞任軍益張。經清造私符徵兵食。曰。用白符。勿用赤符。赤符官符也。賴義益困。○康平元年辰。禁內火。延及大極殿。○二年。一條院火。帝徙御關白賴通三條第。○是歲盜屢行。火皇宮。○三年。賀陽院成。徙御。○四年。以關白賴通爲太政大臣。○五年。賴通辭太政大臣。屏居宇治。不預機務。以憚東宮也。○以源賴義任

源賴義代阿部貞任

又滿詔高階經重代之國民服賴義不受經重節度經重不得已而歸先是賴義遣人論出羽酋清原光賴及弟武則入真以大義至是武則帥兵萬餘來附賴義為七陣以武則等分將之而自將第五陣進攻小松柵拔之貞任弟宗任郎即兵八百出戰我軍不能支磐井以南盡為宗任所據我軍輜重沒賊賴義乃遣兵於四方刈稻貞任曰官軍求糧其虛可乘也以精兵八千來襲武則曰我兵為客糧乏利在速戰幸彼來

戰是天祐將軍也賴義大喜為長蛇陣邀戰呼聲震天遂大破之追至磐井河賊多溺死貞任走據衣川之險賴義進攻之河水方漲岸上有樹枝柯垂水武則使兵士攀樹踰河潛入賊營縱火貞任望見大駭走保厨川柵賴義追拔鳥海柵入之時柵中有酒數十甕乃會將士休飲賴義謂武則曰吾耳此柵之險久矣今取之藉子力也子視吾顏色如何對曰將軍竭忠於天朝暴師十餘年于茲神人為之感動所以致此

賴義髮還黑

鑽神火

貞任伏誅

前九年之役

捷臣何與焉。向視將軍頭髮皆白。今乃半黑。若獲貞任則全黑矣。曰吾髮還黑固當然耳。又進攻貞任於厨川。柵柵固不拔。賴義令壞民家堙壘。下馬遙拜京城。禱八幡神。手鑽火號為神火。投之。會風起。壘柵悉焚。賊軍大擾。逃者擊麀之。貞任乃單身出戰。我兵集而遂斃之。誅叛臣至是凡十人經清亦被縛。至賴義面責曰。今日猶能用白符乎。命以鈍刀斬之。宗任等皆降。是謂前九年之役史論曰。賴義善得士心。敗而復振。卒能覆彼巢。

窟平湯強虜。戮其忠純。志貫金石。宜乎將門出將。景福流于裔孫也。

六年賴義遣藤原季俊獻貞任以下首於京師。救梟之西獄門。尋論功叙賴義正四位下。任伊豫守。叙子義家從五位下。任出羽守。弟義綱為左衛門少尉。清原武則為鎮守府將軍。是歲賴義建八

幡祠于鎌倉。鶴岡。賽戰功。○七年伊豫守賴義以陸奥降虜。

至京師。敕放之。伊豫賴義奏請賞有功將士。朝議久不決。以故未赴任。任國不登。賴義以私資。

償進濟如是二年。○治曆元年已前右大臣藤原賴宗薨。○以內大臣藤原師實賴通之子為右大臣。權大納言源師房具平親之子為內大臣。○三年以賴通准三后尋罷關白特敕咨詢政事。○四年以左大臣藤原教通關白庶政。○帝崩於賀陽院壽四十四。火葬藏御骨皇太弟立。

明治日本政記卷之七

新刻日本政記卷之八

石川縣 大鄉 穆 編次

後三條天皇諱尊仁後朱雀帝第二子母陽

元一曰延久。○按冷泉帝以來政歸外戚而關白賴通專權凡五十餘年至帝始抑其權躬總萬機痛加檢覈規模大定是為王綱第四變

帝在儲位二十餘年在朝公卿概皆賴通黨親而帝以非藤原氏出孤立無援中外危焉。然帝剛健嚴明曾不受牽制至是即位總理

第七十一世紀元千七百二十九年

大政痛矯弊事。賴通以下皆畏憚。不復驕侈。教通雖爲關白。備其員而已。帝嘗惡權。大納言源隆國恃寵無禮。至是欲洩忿於其子。權中納言隆俊竊窺其入直。隆俊正笏端坐。行事敏給。乃嘆曰。如此人才。亦不易得也。若棄之。殆失賢矣。弟隆綱任參議。帝又惡之。會藤原仲冬射狐於齋宮。朝議定其罪。隆綱抽筆書讞曰。雖有飲羽之號。未見首丘之實。帝讀之曰。才藻可嘉。乃親任二人。帝妹娟子嘗奔

源隆俊正笏

源隆綱書讞

左大臣源俊房。先帝憚賴通。置而不問。至是帝讓俊房。屏之。其愛才惡姦。槩此類。上下肅然。

官廳即位之始

王室隆興之兆

延久元年己酉。帝既位於太政官廳。即位用官廳始于此。凡即位用御府所藏應神帝王冠。以爲例。而冠甚大。歷世天子皆不適其制。唯帝適焉。時人以爲王室隆興之兆。○時權貴專務貨殖。多占莊園。敕罷寬德二年以後新置莊園。及在一年前契券不明爲民害者。一切停止。○幸石清水大

革奢風

廟時帝專尚節儉欲革時俗之奢風所過見都
 人士女車有金飾者為駐乘輿命盡剔去○始
 令御厨子所進菜蔬○遣前駿河守平維盛等
 於大和捕釜摩多山賊致親誅之帝憂盜賊禁
 防甚嚴左衛門權佐大江匡房輔之由是終帝
 世路無剽掠之患○關白教通罷左大臣右大
 臣藤原師實為左大臣內大臣源師房為右大
 臣大納言藤原信長教通之子為內大臣○始置記
 錄所於大政官朝所聽斷訴訟○二年定絹布

置記錄所

禁中火

制○禁中火主殿寮撲滅之時帝出避路人擾
 亂侍從源俊明後至執弓歐逐乘輿得前帝悅
 俊明隆國季子帝素惡之是後善遇之○以關
 白教通為太政大臣○三年關白教通罷太政
 大臣○行幸日吉社日吉行幸始于此○遷御新宮○
 是歲宮人源基子參議基平之女生皇子實仁帝喜不
 問父之官爵命為女御官中皆駭其特進或謂
 如先帝憚賴通則未必有是命也○四年權中
 納言源隆俊奏孔廟畫像損壞歲久請加修理

定沽價法
定斗升法

延久宣旨升

許之。敕右少辨大江匡房監之。○行幸稻荷祇園。稻荷祇園行幸始于此○大極殿成。○定沽價法。○定斗升法。用長保例。帝欲審量制命新作器。使藏人頭藤原資仲督之。帝自抽簾竹截為之。準及成。使藏人出納小舍人量殿庭沙試之。然後資仲取穀倉院米量之。後世遵用。謂之延久宣旨升。○帝不豫。禪位於皇太子。帝自少好學修德。究習國家故事。右大臣源師房參議大江匡房二人皆稱賢才。帝親用之。勵精圖治。紀綱大張。至是禪位。明年崩前。關白賴通嘆曰。帝季世明主。而早世如此。我邦不幸也。大江匡房曰。教化被世。可比隆於承和延喜也。

史論曰。一條以來。政歸戚里。黨親連體。根據於朝廷矣。而帝躬統大政。以陽剛之才。應虎變之象。克己勵精。宵衣旰食。宜其君子豹變。小人革面。而炳煥明盛之治。如日月之麗乎天也。大江匡房所謂可比隆於承和延喜者。可以頌帝德。而細繹政理。專尚節儉。吏稱其職。民安其業。殆

有漢宣之風。可謂中興良主。追蹤近江朝廷矣。賴襄曰。帝十歲爲皇太弟。三十五卽位在位五年而崩。藤原賴通嘆以爲我邦之不幸。信矣。史稱帝剛健嚴明。是固然。然不知其剛明之本在於誠正也。夫苟不誠不正乎。則所謂剛者有息而明者有蔽焉。帝之在儲宮也。或念卽位欲云云。輒拜北斗以悔其過。夫以帝之明達。傍觀朝政二十餘年。其切齒扼腕者何限。而自警其不是。嗚呼。其心足以質天地而信宗廟。蓋不以天位爲樂。而以億兆爲憂。是故一旦卽位。痛自節儉。勤勞機務。不敢逸豫。而行之以其剛與明。以令天下。雖藤原氏之盤踞倔強。歷世難制者。畏憚自戢。俯就我馭者。由是道也。嘗奪大臣之權。收新置莊園。置記錄所。親覈其是非。皆不便於彼者。而彼莫敢齟齬。何哉。是天下之正也。非帝之私也。唐裴度語其君治方鎮之道曰。處置得當。以服其心而已。今帝所處置亦足服藤原氏之心。不然。聞其崩殂。何不相慶幸而嘆嗟如此。

第七十二世
紀元千七百
三十三年

白河天皇

諱貞仁。後三條帝長子。母贈皇太后藤原氏。中納言公成女。在位十五年。

五年改元四曰承保。承曆永保。應德。○按帝奉先帝遺訓。政總於己。不任相家。然既遜位。猶以院宣號令天下。天子垂拱仰成而已。後世倣之。相繼不革。是為王綱第五變。

帝受禪。即位於大極殿。尊先帝曰太上天皇。

藤原教通。關白如故。明年太上天皇崩。壽四十。

火葬。藏御骨。禪林寺。

承保元年

甲寅。前關白賴通薨。賴通在職驕恣過。

父嘗造別莊于宇治。捨為寺。名平等院。先帝聞

其多付田里。大怒。遣使檢察。賴通聞之。設錦幄

於寺門。供張甚盛。使者懼而還。至是薨。世稱宇治關白。

○二年帝好佛法。受法華經於僧增譽。○關白

教通薨。以左大臣藤原師實為關白。○三年造

六條宮及成臨幸。遂徙御焉。○承曆元年丁巳。右

大臣源師房薨。家稱土御門。○先是慶金字大般若

經於石清水大廟。至是行幸。加封五十戶。○香

椎廟及陽明門院。二條東洞院宮竝火。○先是

創法勝寺於白河。至是成。建九層淨圖。給封一

金字大般若經

宋商孫忠來

千五百戶。○二年帝臨幸法勝寺修大乘會授僧官位有差。○三年先是園城寺與延曆寺僧徒爭建戒壇相鬪遣敕使制之是歲延曆寺僧數百執甲兵入感神院訴祇園別當事又敕令諸衛禁之。○四年賀陽高倉三條三宮並火。○自超拜如是者自古未有也以內大臣藤原信長為太政大臣。○高麗王遣使求醫以其牒文無禮卻之。○宋商孫忠來宋主付忠贈錦綺廷議不報。○永保元年辛丑先是興福寺與多武峰僧徒構怨至是

興福寺僧數千攻多武峰火民家二百餘區多武峰僧逃走敕遣使捕其首謀下獄。○延曆寺僧數千攻園城寺燒其堂舍房宇園城寺僧三百乘夜攻延曆寺延曆寺僧擊殲之於是救檢非違使及前下野守源義家逮捕其兇魁既而延曆寺僧徒復燒園城寺僧舍佛像蕩盡無遺。○帝幸石清水救源義家義綱扈從乘輿以備僧徒。○二年大內火帝徙御六條宮。○右大臣藤原俊家內大臣藤原能長並薨。○前伊豫守

大內火

源賴義卒

源賴義卒十年八〇付宋商孫忠報牒于宋初廷

議不宜報至是改議報之〇以大納言源俊房

師房為右大臣〇應德元年甲子帝徙御三條宮

〇造園城寺金堂〇二年皇太弟薨〇三年造

離宮於鳥羽課畿內七道徭役穿池築山究極

鉅麗〇參議藤原通俊上後拾遺和歌集〇立

皇子善仁親王為皇太子即日禪位帝奉先帝

遺訓親總萬機不任台輔性弘大剛決亦有先

帝風烈而愛憎任意賣官鬻爵至有父子三四

人並任國司者既遜位猶在院中聽政頗乖舊

典矣篤信佛乘嘗慶金字大藏經於法勝寺數

遭雨停之帝怒以為雨有罪乃盛雨下獄時人

謂之囚雨帝終世四幸高野八幸熊野其所慶

畫佛五千四百七十餘幅丈六佛像一百二十

七軀等身佛像二千一百五十軀三尺以下佛

像一千九百三十餘軀七寶塔二十一基小塔

四十四萬六千六百餘基屢事營造國用耗竭

自佛入本國塔像之盛未之有也

囚雨

後拾遺和歌集成

賴襄曰。往時相家之侈靡。凋弊公私。毒被天下。然民猶曰。是某相所為也。非天子所知也。至白河收復其權。政由己出。則被天下者。皆其毒也。怨之所歸。不在彼。而在此也。當相家專權曰。賄賂公行而已。至帝之臨政。納財者得國司。至父子三四人共宰一國。則其民何罪乎。不翅此也。背父遺詔。舍其二弟。而立堀河。堀河崩。又立五歲之鳥羽。猶可也。鳥羽纔弱冠。而又奪之以與五歲之崇德。故鳥羽又尤而倣之。奪以予三歲之近衛。以速天下之亂。遂致其後有八歲之天子。與五歲之上皇。亂曷有已哉。相家立幼弱之外孫。資其專權云爾。天子而何苦為此乎。夫宗廟之所託。生民之所仰。而以襁褓嬰兒為之。是之謂以天位為戲。是戲也。則天下誰肯敬戴之。故至使天下武夫健將。視天子如木偶。土梗。視朝政如塵飯土羹者。皆其自取也。山縣禎曰。信佛益甚。而國勢益衰弱。寵僧益盛。而僧徒益橫逆。建塔造寺益多。而國用益凋弊。

第七十三世
紀元千七百
四十七年

吾未見信佛之有益於國家而人主深信之以
為立無上功德享無量福利抑何昏惑也至如
其不悟佛之無靈而以雨為有罪下諸獄則愚
惑之蔽一至此其慢天不亦大乎。

堀河天皇

諱善仁白河帝第二子母中宮藤原氏關白師實養女實右大臣源

顯房女在位二十二年改元七日寬治嘉保永長承德康和長治嘉承

帝受禪即位於大極殿生八歲關白師實攝
政尊先帝曰太上天皇

寬治元年丁卯鳥羽宮成上皇遷御儀衛如在位

始置別當

時○上皇聽政院中始置院別當始置別當始于此刑賞

黜陟惟其所決嘗曰天下不如意者惟鳴河水

雙陸散子山法師而已執政大臣皆憚不安時

風俗趨奢靡如賤女兒亦被文繡上皇甚好色

幾亂禮經後世論者以為保元之亂兆於此○

出羽夷酋清原武衡故鎮守府將軍武則孫

子武則次子作亂陸奧守兼鎮守府將軍源義家討平之

初義家之赴任也家衡清衡武貞與兄真衡以

事構怨舉兵相攻真衡聞義家至迎修饗禮厚

清原武衡作亂

見雁行亂

贈之義家自赴出羽攻家衡不利而還武衡喜
 謂家衡曰子克八幡太郎我曹之榮也乃合兵
 據金澤柵至是義家大怒自將數萬騎攻金澤
 柵去柵數里望見雁行亂曰是伏兵也遣兵搜
 索果獲二十餘人盡殺之初義家過關白賴通
 第談陸奥前後事大江匡房在別室聞之惜其
 未達兵法從者告之義家義家曰其或然候匡
 房出禮之遂就學焉至是謂衆曰兵法有言鳥
 亂者伏也我不學則殆矣遂進圍柵○相摸人

鎌倉權五郎

鎌倉景政權五郎年十六在義家軍挑戰敵射中

其眼景政不拔箭而索射已者終射殺之乃還
 營或欲為拔箭以足當其面景政揮刀止之或
 驚問景政曰寧死鋒鏑面不受人足或乃膝歷
 而拔之○義家弟義光新羅三郎勇智多技能是時
 為左兵衛尉在京師聞義家軍不利奏請往援
 不許乃舍官赴之義光素好音嘗學笙於伶人
 豐原時元時元已死其子時秋猶幼追及於途
 請與俱義光辭不可遂至足柄山會月明義光

新羅三郎足柄山吹笙

日本正言

卷之八

十一

高卷樓載版

勇怯兩列

乃下馬坐地吹笙盡授其秘曲別去遂至陸奧
 義家喜泣曰今日見卿猶先君再生賊在吾掌
 握矣義家亦好音世傳軍中奏陪臚曲者必捷
 故兄弟每臨戰好奏之○義家因會食設勇怯
 兩列以勵戰士每戰罷輒有與奪獨義光從臣
 腰李方腰瀧無日不列勇列有李割惟弘者就
 怯列深愧之義家力攻累日柵堅不拔吉彦秀
 武真衡降在我軍義家用其謀欲持久困虜下
 令休戰武衡遣使曰我軍苦無事我有驍兵龜

鬼武者救難次

次請得一壯士角之乃遣鬼武者交鬪數刻遂
 勝而殺之官軍謹諫虜愧憤出戰是日惟弘先
 登而死○時虜軍食盡出羸兵令降義家又用
 秀武言悉斬其降者於是虜益窘因乞降不聽
 時天漸寒官軍恐凍一夜義家出令曰撤我營
 燒取煖今夜虜柵陷矣黎明虜果火柵乘烟而
 遁我軍進擊武衡潛池水中以草蔽面義家獲
 之謂曰汝父嘗屬吾父樹功得為鎮守府將軍
 今汝以怨報德何也遂斬之家衡亦為其下所

武衡家衡伏誅

與羽平

後二年之役

殺武誅叛臣自真鳥後至武衡家衡凡十二人。與羽悉平。義家欲獻武衡家衡等首。奏請下官符朝議。以為私鬪不許。以故不賞將士。遂棄首於途。還京師。是謂後三年之役自平忠常伏誅。源氏定東國亂者。至是凡三。義家又善撫馭士民。是以恩威益行東國矣。

史論曰。義家居牧宰之寄。悉力定亂。廷議以為如下。官符則將士不可無賞。此私鬪也。不可下官符。嗚呼。果私鬪耶。宜以擅興之罪處之。果有功耶。何不賞之。既不行賞。又不加罪。諉言私鬪。遂沒其功。其實不過恠賞耳。當時紀綱之不振。一至于此。其不激將士之變。皆義家綏撫之力。而將士歸嚮源氏。亦在此時。其所關係大矣。

二年罷太政大臣信長。以攝政師實代之。尋罷。○是歲上皇幸高野山。路徧禮諸佛塔。敕置阿闍梨于高野。賜僧粟帛有差。又幸延曆寺。留三日。○四年師實罷攝政。為關白。○是歲上皇幸熊野。敕付近郡田圃百餘町。○五年先是藤原實清與清原則清爭米地。前陸奧守源義家及

弟義綱各左右之將鬪至是救五畿七道禁二
家兵士入京師事遂寢○七年延曆寺東西兩
塔僧徒相鬪焚坂本民家八千餘戶○興福寺
僧徒數千奉神木入京師訴近江守高階爲家
侵掠蒲生郡神人救流爲家於土佐緣坐者解
任贖銅有差○是歲上皇慶法勝寺佛像放左
右獄囚六十人○嘉保元年甲戌罷關白師實以
內大臣師通代之○先是出羽賊平師妙師李
等火守信明館剽掠資財救陸奥守源義綱討

院宣
觀田樂

之至是義綱誅一人函首入京師梟之右獄○
太宰權帥藤原伊房坐私遣僧契丹交關貶位
奪官○前太政大臣藤原信長右大臣源顯房
竝薨○二年上皇造開院成徒御焉置院別當
撰納言參議爲之如故設兵曹置北面士奉宣
旨施行謂之院宣○永長元年丙午帝觀田樂○
上皇削髮稱法皇然聽政如故尋毀開院移其
材營於鳥羽○康和元年己卯以仁和寺覺行爲
法親王覺行白河帝之子薤髮者法親王始于此○關白內大臣師

藤原師通薨

通薨師通博學多技能進賢才黜勢利嘉保永
 長間朝綱稍正師通不憚法皇親政嘗歎曰豈
 有遜位之君而群臣立車於門者耶法皇頗憚
 之及薨時人歎惜焉○二年帝遷御新宮○以
 權大納言藤原忠實師通之子為右大臣權大納言
 源雅實顯房之子為內大臣○三年前關白太政大
 臣師實薨世稱後宇治○長治二年乙酉以右大臣忠
 實為關白○嘉承二年丁亥帝崩于堀河院壽二
 十九火葬藏御骨山城仁和寺帝專精政治凡諸司所奏夜

必覆視有可疑者御批再令商議嘗右大將關
 帝欲以藤原家忠充之而法皇又欲以其所寵
 藤原宗通任之乃遣使傳旨於帝帝吹笛不應
 使者請速得報帝曰昔有教敕云官人宜簡器
 用從興論朕深服膺今宗通資望不唯讓家忠
 又未見逸才可超擢也使者復命法皇不能奪
 又嘗謂左右曰普天之下皆王民也而遠民常
 踈而近民獨親一人之耳不得周聞天下之事
 是大患也卿等有聞告而勿隱其知為君之務

如此時源俊房藤原通俊大江匡房藤原季仲
 等在朝帝以為得人不愧於古也然法皇綜理
 機務帝不得如意又嘗聞一宮女談知所衆職名
 某貧將逃心甚憫之乃敕一僧令給修法賞
 錢賜某不復問修法也帝之所為僅止此小惠
 而不能澤洽億兆後三條之業自是浸衰矣皇
 太子立

鳥羽天皇

諱宗仁堀河帝長子母贈皇太后藤原氏贈太政大臣實季女在位

十七年改元五日天仁天永永久元永保安

第七十四世紀元千七百六十八年

帝即位於大極殿時年五歲關白忠實攝政
 初先帝有病而帝未生群臣屬望輔仁親王
 法皇聞之曰主上若有不諱朕當再踐祚至
 帝生共志遂寢而聽決萬機如故

源義親作亂伏誅

天仁元年戊子隱岐流人源義親作亂出雲救因
 幡守平正盛貞盛玄孫討誅之先是義親任對馬守
 劫剽鎮西救討之父義家遣家士召之不至又
 殺官使以罪流於隱岐而義親不至流所留居
 出雲殺目代鹵掠人民及官物乃使正盛討之

至是正盛遂誅義親函首入京師梟之右獄誅

臣至是凡十三人○法皇以東寺僧禪譽為尊勝寺灌

頂阿闍梨先是灌頂先取東寺以次及延曆園

城二寺是歲當取之園城寺而不取却又取東

寺於是延曆寺僧徒不懌數千成群擐甲奉日

吉神輿入京救檢非違使及源平二家率數萬

人拒之相持數日京師擾亂廷議遣使許後年

灌頂復舊僧徒大悅事遂止法皇為治剛斷力

能抑相權而獨難於制僧徒云○前鎮守府將

源義家卒

軍陸奧守源義家卒初賴義夢八幡神賜劍覺

義家年甫八歲加元服於石清水社因號八幡

太郎義家善射與州之役每射甲士應弦而斃

清原武則欲試其弓力疊擊甲三領請義家射

之義家一發洞貫武則驚以為神焉又能得士

心安部貞任之誅弟宗任降義家愛其勇特親

任之一夜問其所私女子乘車往獨宗任從焉

心陰圖報復拔刀窺車中見其睡不敢發後遂傾心事之○二年初故陸奧

守源義家之子義忠與叔父義光有隙至是義

光使人陰殺之朝議以義忠死為出於美濃守

源義綱之子義明等救檢非違使源重時討之

義明戰敗自殺義綱寃之走據近江甲賀山而

源為義

叛救令義家之嫡孫為義義親之子即討之義六條判官綱自髡出降詔減死流之佐渡為義時年十四

按源氏骨肉相食始于此○天永元年庚寅權中納言大江匡

大江匡房薨

房薨匡房為二朝帝師以博識稱白河法皇嘗

以擢用匡房自負為尚文焉○三年忠實為太

政大臣攝政仍舊○永久元年癸巳僧仁寬有罪

處流初輔仁親王少有才能名亞兼明具平兩

中書王後三條愛之遺詔立第二皇子實仁為

白河儲貳以次及輔仁及實仁早世白河背之

立堀河輔仁鞅鞅退居烏丸第詩歌自遣至是

或告仁寬與其徒謀不軌欲使童千手丸犯乘

輿遣檢非違使捕之鞠問童曰仁寬所以使我

狙至尊者為禱三宮登祚也三宮謂輔仁也詔

減死流仁寬及千手丸而輔仁實不知也故

不問焉○延曆興福二寺構怨各有所訴廷議

未決興福寺僧徒五千延曆寺僧徒亦一千餘

勢將相攻京師為之騷擾救二寺講解僧徒不

奉詔於是救檢非違使及源平一家拒興福寺

派僧仁寬

僧徒於宇治延曆寺僧徒於西坂本並卻之○

是歲攝政忠實罷太政大臣尋改攝政為關白

○二年院宣延曆寺禁僧徒帶兵仗○是歲京

師多盜南海海賊剽竊貢調都鄙騷然○三年

以內大臣源雅實為右大臣大納言藤原忠通

忠實為內大臣○元永元年戊戌立女御藤原璋

子故大納言為中宮璋子幼受法皇殊寵及長

遂私焉已而配帝生皇子顯仁即崇德帝帝以為非

已子以故甚薄之○保安元年庚子罷關白忠實

內覽文書初法皇為帝擇配敕忠實納其女泰

子忠實不悅帝輕躁以故固辭既而帝稍易良

忠實悔之會法皇幸熊野帝敕忠實納泰子忠

實喜裝奩已備法皇還大怒止之遂有是命○

二年忠實既罷退居宇治法皇欲以其子忠通

為關白親諭曰父自父子自子罪止一人卿為

執政忠通辭曰父廢子代臣所不忍且臣家世

此職故於父子間亦自有授受禮今不得行之

願宥忠實然後得襲職法皇乃復忠實職忠實

願宥忠實然後得襲職法皇乃復忠實職忠實

願宥忠實然後得襲職法皇乃復忠實職忠實

尋上表辭職遂以忠通為關白○延曆寺僧徒燒園城寺堂宇蕩盡○左大臣源俊房薨○三年大學寮孔廟壞○以右大臣源雅實為太政大臣特敕坐關白上源氏進此官始于此關白內大臣忠通為左大臣大納言藤原家忠師實之子為右大臣權大納言源有仁輔仁親王之子為內大臣○四年帝禪位於皇太子時年二十一帝博涉傳記尤精天文聲律飾於儀容時源有仁亦好華裝一時化風凡朝服有綾烏帽有額皆始于此時

第七十五世紀元千七百八十四年

崇德天皇

諱顯仁鳥羽帝長子母待賢門院大納言藤原公實女在位十五年

改元六曰天治大治天承長承保延永治

帝為皇太子之即日受禪於土御門殿以關白左大臣忠通攝政尊先帝曰太上天皇時年五歲

天治元年

甲辰帝既即位於大極殿法皇仍聽政

院中○春二月法皇幸白河觀雪上皇從焉烏帽直衣御馬而前行上皇行幸用馬近古所未有閏月觀花於法勝寺後宮妃嬪諸車飾以金

集落花鋪地

銀攝政以下公卿皆扈從前驅後乘衣服窮極靡麗寺僧集落花鋪地車騎如行雪中還過白

禁殺生

河南殿飲宴盡歡罷○罷太政大臣雅實○二年法皇詔禁天下殺生○權中納言藤原顯隆

夜關白

為法皇所寵任專參典機密勢傾一時入侍常以夜時人稱曰夜關白○大治二年戊申前太政

源雅實薨

大臣雅實薨雅實質直敢言為法皇所敬憚每

金葉和歌集

省父顯房顯房亦為改容○是歲前木工頭源俊賴經信上金葉和歌集俊賴善和歌造語新奇體製温雅一時稱

釋奠用素饌

為宗師○釋奠用素饌○二年以攝政忠通為太

政大臣○四年山陽南海賊起法皇救備前守

平忠盛正盛之子捕之○攝政忠通罷太政大臣○

法皇崩河白壽七十七火葬藏御骨鳥羽塔中法皇在院決

政擁立三帝天子仰成凡四十餘年○上皇聽

政院中一倣法皇○忠通改攝政為關白○是

時國司定任者三十餘國而赴任者甚稀少令

吏治之謂之目代民政日衰陸奧守藤原師綱

獨有聲績出羽押領使藤原基衡私占陸奧信

目代

藤原師綱

夫郡田及師綱赴任收括公田基衡密命家士
 季春拒之師綱怒而擊之兵多死傷基衡初欲
 劫之至是驚懼乃詐歸罪於季春遣使多齎金
 帛良馬贖之師綱怒曰既抗國宰非叛而何罪
 不可贖基衡不得已而斬季春國人服師綱剛
 正相謂曰真良吏也○長承元年子得長壽院
 成三十三間堂置觀音像千軀上皇嘉平忠盛督役
 之功除但馬守尋擢刑部卿聽大內昇殿先是
 忠盛嘗夜從白河法皇潛幸至祇園祠傍時雨

平忠盛

忠盛捉老僧

甚有一老僧束麥稈以代笠提火器行吹之明
 滅隱顯狀不類人但視鬼髮如束鍼從者皆驚
 怖忠盛徑進捉之僧曰將點燈於祠也法皇稱
 其膽氣甚有寵至是又累遷舉朝憎之而上皇
 寵益深焉○以右大臣家忠為左大臣內大臣
 有仁為右大臣大納言藤原宗忠宗俊之子為內大
 臣○二年先是上皇復前關白忠實內覽時人
 恠之至是遂納其女泰子○保延元年乙卯式部
 大輔藤原敦光啓陳七事曰慎祀戒佛重農事

藤原敦光陳
七事

輕賦歛。禁奢僭。興學校。初。府庫是時年。存饑多。災異盜賊起。僧徒亂。而朝廷偷安。好與。土功多。造塔廟。國用耗竭。民不堪命。踈祭祀。廢學校。上下媻逸。奢靡成風。故敦光奏及之。○二年。左大臣藤原家忠罷。尋薨。山梅花院○以右大臣有仁為左大臣。內大臣宗忠為右大臣。權大納言藤原賴長。忠實之子為內大臣。○五年。上皇多內嬖。最後納中納言藤原長實。女得子。大寵之。稱美福門院。至是。生皇子體仁。上皇悅。乃超帝皇子重仁。

而立為皇太子。生四月。○永治元年。辛酉。上皇薨。髮稱法皇。○前右大臣藤原宗忠薨。○帝禪位。於皇太弟。初得子。欲太子。速登祚。至是。法皇諭帝。禪位。帝雅無去位志。即日及見詔案。改太子為太弟。大駭。曰。何其遽也。須明日審議。法皇不聽。遂傳劍璽。太弟時年三歲。

青山延于曰。白河帝不以禮義律其身。而惟薄不修君德。有闕。遂使鳥羽帝不慈其子。而宗德帝不孝其父。三綱隳而五倫廢。保元之亂。已胚

胎于此禍及數世而不已至使天下生靈肝腦塗地何其慘也嗚呼後之人君可不戒哉

山縣禎曰崇德帝方富春秋未嘗有失德而遽

奪之位近衛帝生而二歲未足為天下之父母

而立為天子上皇實溺私愛而背父子之道忘

社稷之重人欲肆而天理滅矣國欲不亂得乎

近衛天皇諱體仁鳥羽帝第八子母美福門院藤原氏贈左大臣長實女在位

十五年改元五日康治天養久安仁平久壽帝之即位也美福門院得遂志而自是本院

第七十六世紀元千八百二年

新院不相協遂為亂階矣本院謂法皇新院謂上皇

康治元年壬戌法皇聽政院中是歲受戒於東大

寺○園城寺僧徒燒延曆寺堂房延曆寺僧徒

擊却之○久安二年丁卯左大臣源有仁罷尋薨

有仁善詩歌精音律好修容儀衣冠裁製為之

一變世稱花園左大臣○四年禁內火○五年以攝政

忠通復為太政大臣尋罷太政大臣改攝政為

關白○仁平元年辛未先是左大臣賴長納其養

禁內火

平忠盛卒

女多子宮關白忠通亦納養女皇子各欲為后
 恃權爭先至是冊多子為皇后皇子為中官然
 兄弟終相軋猜忌日甚父忠實素愛賴長疎忠
 通遂奪其所授傳家重器朱器臺盤以授賴長
 為氏長者又奪其邑獻之法皇因請使賴長領
 內覽時忠通方為關白而又命內覽人以為恠
 事焉帝雅親信忠通惡賴長然憚法皇不得如
 意居常鬱鬱積成疾○三年刑部卿平忠盛卒
 忠盛在職恪勤積勞初諸公卿賤其門地恥與
 為伍嘗謀以豐明節會衆闖殺之忠盛以詭謀

備獲因得免忠盛微時居伊賀伊勢間世呼其
 疾曰伊勢平氏且為人眇一目故及宴衆歌曰
 伊勢瓶子酸瓮蓋國音瓶子通平氏酸瓮通眇
 托言嘲之也然終不遭害忠盛六世祖貞盛以
 下皆以武名家未嘗登殿○三年帝有疾欲禪位
 於雅仁親王子守仁忠通承旨奏請法皇不許
 謂忠實曰彼欲立幼主以自利故勸帝為之忠
 實退曰甚哉忠通之愚也其子得位權必歸其
 父彼豈得預乎○賴長驕縱日甚屢辱朝臣時
 人呼曰惡左府初忠通奏其凶險不讓攝政至
 是法皇稍惡之始信忠通之言

惡左府

栗山愿曰。白藤氏之盛。男握朝柄。女配宸極。視官爵為己私。援引親黨。分據要途。施及童稚。諸臣知不可而倪首。以為乖忤。相家禍且不測。後三條帝憂懷永圖。相門斂手。白河鳥羽亦奉其遺意。雖已去位。猶親機務。然恣淫匪彝。不能以貽謀子孫。而忠通賴長各逞利心。經營私門。徒欲朱器臺盤之重於天下焉耳。邦家休戚社稷存亡。安然環視而莫之恤。兄弟相譖。寵辱交軌。卒之致王室陵遲。諸藤亦凋瘁矣。可不戒哉。

源為朝

久壽元年甲戌右大臣源雅定罷。○左衛門尉源為義坐子為朝事奪官。初為朝年十三為義惡其桀驁。逐之鎮西。因曰鎮西八郎。及長容貌魁偉。猿臂善射。自稱九國。總追捕使。數與菊池原田諸族戰。所向皆捷。暴掠遠近。守介交訴之。廷議使為義召之。不至。為義遂獲罪。○二年為朝聞父為義以己故解官。憂其寃。自來京師而待罪。○帝崩壽十七。火葬藏御骨。知足院常行堂。帝無子上皇竊冀復位。又意重仁當承統。重仁上皇長子也。

長而賢中外亦屬意焉而美福門院以帝崩爲上皇咒詛故不欲立重仁乃勸法皇立雅仁法皇謂雅仁輕躁無人望帝同母妹有暲子又雅仁子有守仁法皇未決誰可立因召忠通議之忠通曰雅仁年最長宜立法皇從之雅仁稱四官微而無聞及制下朝野愕然

栗山愿曰近衛帝法皇第八子崩年僅十七後白河帝於倫次爲四子長於近衛帝既十二年矣昔顯宗以仁賢之讓弟而先兄不獲已也固

非常經也後白河在所當立耶應及崇德之後而不宜繼於近衛之後皇嗣至重天人係焉法皇不察天倫之叙衆心之所嚮而決之官掖一婦人之言忠通以大臣愆愆贊成以阿順後宮法皇之過舉固已大矣而忠通之罪亦未知與賴長孰伯仲也嗚呼自毀之家不復能禁人毀之自伐之邦不復能禁人伐之當是時屢下救諸道禁兵士屬源平可謂知所戒也而不能秩叙彝倫規正官壺則亦未耳一朝晏駕昆弟交

讎假于外臣恣毒骨肉邑虎傳翼饑鷹飽肉八
柱一傾四維不張大覲非望西滅東起怯恇萎
靡唯恐不能自拒奚暇問其舊物之有無哉

第七十七世
紀元千八百
十六年

後白河天皇諱雅仁鳥羽帝第四子崇德帝
同母弟在位四年改元一曰保
元

帝之即位也美福門院又得遂志而政仍決
於本院時帝年二十九

保元元年丙子崇德上皇既失望左大臣賴長亦
失寵於法皇於是賴長阿附上皇關白忠通奏

保元之亂

曰政務宜委一相欲委賴長則罷臣職不則氏
長者宜屬臣帝然之然憚忠實不決○法皇崩
鳥羽壽五十四葬安樂院塔初法皇病內大臣藤原實
能密奏曰官車晏駕大亂必興宜豫為之備因
有所與謀召得子授之一筐戒曰緩急啓之尋
崩時上皇入臨及門右衛門權佐藤原惟方稱
遺詔拒而不納上皇大恚而還謂左大臣賴長
曰皇位禪受自有定制而法皇舍宜立之重仁
而立匪文匪武之四官父子懷憂朝野失望今

源義朝
平清盛

法皇已昇遐不復有所憚朕欲乘此機而舉大事卿意何如賴長贊成之遂為謀主焉是夜葬法皇○上皇謀頗泄朝野恟擾得子乃啓筐則書武臣十人名矣源義朝為義之子為之首而安藝守平清盛忠盛之子不與焉以父忠盛嘗傳重仁也得子既召十人又意清盛亦不可棄乃矯遺詔召之帝以皇居湫隘遷東三條殿關白忠通以下文武諸臣皆從焉帝又召義朝父為義未至先是遣檢非違使近畿諸路捕兵士應上皇

藤原賴長咒詛國家

者平基盛獲大和人源親治繫之獄賴長使僧勝尊咒詛國家義朝又捕勝尊○上皇出鳥羽宮據白河北殿賴長從間道入遣使召源為義為義辭曰臣老羸非復平昔長子義朝習戰兵亦銳而既屬禁旅餘子惟為朝驚猛善射請用之毋以臣為也使強之為義乃率諸子至上皇喜以為判官代已而賴長會將士議戰為朝進曰以寡擊衆利于夜攻是臣所驗於鎮西也請今夜直襲大內戰以火攻賴長曰南都僧兵

源為義頌八甲

且至成軍然後戰未為晚也為朝退竊罵曰唉
長袖者惡知兵哉家兄謂義朝有謀將出我所欲
為僧兵寧可須也為義又進策曰本官非寡兵
可據地宜奉陛下守南都兵即不利遂往關東
集合臣家人奉興復關賴長又不聽為義退而
言曰吾屬不知死所矣為義有八甲與六子頌
之遣使送其一於義朝為朝守西門為義率餘
子守西南門平忠政以下各守諸門○帝敕忠
通議戰未決義朝數趣之因召義朝問計對曰

源為朝辭藏人

平重盛

決勝頃刻莫若夜戰臣聞南都兵應上皇徵宜
及其未至擊之議始決乃分兵二道義朝清盛
各備一道○帝軍既發賴長諜者還報為朝怒
曰果如吾言賴長恐為朝不為用遽拜為藏人
為朝曰吾何用藏人為即鎮西八郎可也矣辭
不拜為義開門出其二子賴賢賴仲邀擊義朝
戰敗退義朝隨攻之清盛與長子重盛小松攻內府
西門其壯士伊藤五伊藤六先進為朝射之洞
五之胷而著六之袖清盛大怖轉攻南門重盛

曰擇敵而進非武也清盛不聽獨其騎山田伊
行小三郎反戰爲朝又射斃之其馬逸入義朝陣
箭穿鞍鏃大如鑿義朝知其爲朝也乃以二百
騎馳之呼曰吾奉敕來討八郎盍趣降乃彎弓
於其兄乎爲朝曰吾奉父在斯阿兄乃推刃於
其父乎因大戰義朝兵死傷最衆爲朝兵二十
八騎失其二十三騎猶固守爲義賴賢等又善
拒天漸明義朝縱火上風烟焰蔽官官中大亂
義朝等鼓譟而進白河殿遂陷○上皇避火蒼

白河殿陷

黃跨馬藏人平信實累騎抱持賴長從焉爲義
令諸子留拒爲朝等苦戰度上皇去已遠乃逃
上皇親諭散遣諸將皆揮淚而散上皇入如意
山及夜從者肩負出京師無敢舍者薙髮入仁
和寺又不納事聞帝遣兵守之尋遷於讚岐武

遷上皇於讚岐

藤原賴長斷
舌死

帝以後兩王爭位至是第三回○賴長途中流矢扶上輿聞忠
實奔在南都乃往就之忠實拒而不納賴長斷
舌死○爲義既遁病不能行被追兵薄諸子力
戰卻之士卒殆盡乃欲因義朝乞命爲朝諫曰

平清盛殺叔父

上皇者帝同母兄而左府為關白親弟聞上皇已遷讚岐左府亦死骨肉相害如此阿兄縱欲救大人廷議安得獨許之不若早奔關東跨據八州以待官軍兒等為竭力為義不聽遂出降時清盛叔父忠政亦依清盛乞降清盛素殘忍欲使義朝殺父乃斬忠政而獻之以搖義朝帝果命義朝誅為義義朝請以已功贖之帝怒曰清盛能誅叔父義朝獨不能誅父乎義朝悲駭謀之其臣鎌田政家次郎政家曰既為國讐矣固

源義朝弑父

流為朝伊豆

不免於誅死一也寧死於子乎乃使政家誘殺之帝又救義朝捕斬諸弟及其幼弟乙若龜若鶴若天王乙若年十三龜若十一鶴若九歲天王七歲乙若臨刑曰衰老如父猶不免害況吾等乎但殺吾等即所以殺吾兄羽翼此乃清盛之計而吾兄不悟悲夫四人駢首受刃獨為朝匿于輪田久之見擒時會大赦且帝惜其驍壯減死流之伊豆大島○初少納言藤原信西將行刑獻策以為榜亂黨姓名各署流貶處所則逃人心首廷議從

藤原信西議

之上皇將士七十餘人皆以為滅死果出降乃
 悉論死右大臣藤原雅實大納言藤原伊通等
 曰自弘仁誅仲成未嘗加刑朝臣況在諒闇乎
 信西曰非常之事宜非常議之不可遺後患乃
 令重仁削髮流賴長諸子及其黨卿以上獨忠
 實以忠通保護獲免自弘仁至此三百四十餘
 年始行死刑時人譏其淫刑云○亂既平詔復
 記錄所參決庶務○復關白忠通氏長者以安
 藝守平清盛為播磨守下野守源義朝為左馬

頭○是歲詔畿內七道造營大內○二年太政
 大臣實行左大臣實能竝罷○以右大臣藤原
 宗輔宗忠之子為太政大臣內大臣藤原伊通宗通之子
 為左大臣權大納言藤原基實忠通之子為右大臣
 權大納言藤原公教實行之子為內大臣○前左大
 臣藤原實能薨稱德大寺○大內成徙御焉白河以
 後大內圯壞朝儀廢闕初關白忠通請繕治鳥
 羽上皇憚勞費不許至是藤原信西用事乃決
 議成之詔復內宴及相撲節會○進造官諸國

司七十二一人位。○三年帝禪位於皇太子。

永井定宗曰。昔應神帝欲舍長子大鷦鷯而立。季子稚郎子。帝崩。兄弟相讓。不登天位。三年稚郎子患之。自殺。於是大鷦鷯始即位。仁德帝是也。古賢王重天倫如斯矣。夫天下者重器也。然較之父子兄弟。其輕如敝屣。故孟子曰。行一不義。殺一不辜。得天下不爲也。今新院挾人欲之。私不顧父子兄弟之義。先帝崩。肌膚未寒。以甲兵爭寶祚。當是時。忠通與賴長兄弟相軋。爲義

與義朝父子相角。清盛與忠正叔姪相攻。暴亂如此。神武以降千八百餘年。未嘗之有也。自是而後。至于慶長太平之運。四百有餘年。臣于弑君。父嫡庶爭統。親親相殘者。不可勝計。本朝風俗之頹敗。教化之亂壞。實權輿于斯。

栗山愿曰。臣之於君。子之於父。所在致死也已。義朝當勤王之日。不得不抗父。禍亂既平。其父歸我。豈有其子從而殺之之道哉。雖方君命與俱。就鼎鑊可也。源親房曰。子或兇悖。父得而殺。

之后。石碯是也。父雖無道。子得而殺之。未之聞也。名教不振。皇道之所以淪墜。義朝不足言。信西執政事。所令如此。王室欲張而不可得也。

山縣禎曰。為朝義朝之所策。如出一律。一則從。一則違。勝敗之機。決於此矣。諺曰。山人知山。舟人知舟。戰略唯當委之於武將也。而賴長自用。以取敗。亦可悲矣。其曰張堂堂之陣者。與宋襄所謂不迫阻隘。不鼓不成列。同一迂回之言。適足以貽姍於後世矣。

明治日本政記卷之八

